



### Resultat dalla votaziun communal dils 22-10-2023

Votaziun davart la revisiun parziala dalla constituziun communal.

cedel dai giu:	502
cedels vits:	5
cedels nunvaleivels:	5
cedels valeivels:	492
gie:	273
na:	219

### Resultats elecziuns pil Cussegl nazional dils 22-10-2023

candidat/a	vuschs en vischnaunca da Sumvitg	total vuschs	
Candinas Martin	725	28'400	elegius
Martullo-Blocher Magdalena	133	21'795	elegida
Pult Jon	80	21'290	elegius
Hug Roman	57	16'595	elegius
Giacometti Anna	19	16'184	elegida
<b>candidat/as dalla vischnaunca Sumvitg</b>			
Collenberg Fabian	507	1'493	buca elegius
Schaniel Flavia	185	926	buca elegida

### Resultats elecziuns pil Cussegl dils stans dils 22-10-2023

candidat/a	vuschs en vischnaunca da Sumvitg	total vuschs	
Engler Stefan	441	38'316	elegius
Schmid Martin	327	33'611	elegius

Sumvitg, 27-10-2023

*Biro electoral*

## **Damonda da baghegiar**

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

### **Nr. 137/2023**

Datum da publicaziun: 27-10-2023  
Patrun: Swisscom Broadcast AG, 3050 Berna  
Representant: Hirtz und Partner AG, 3048 Worblaufen  
Liug e parcelas: Rabiun-Campieschas; 364  
Object: renovaziun antenna telefonia mobila

### **Nr. 138/2023**

Datum da publicaziun: 27-10-2023  
Patrun: Tuor Leo e Christina, 7173 Surrein  
Representant: Tarcisi Maissen SA, 7166 Trun  
Liug e parcelas: Rabiun-Fraissen; 266  
Object: construcziun d'ina casa d'ina famiglia

Ils profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 27-10-2023

*Cumissiun da baghegiar*

## **Sera d'informaziun pertuccont avegnir dallas stizuns da Rabiun e Surrein**

Dapi entgens meins sefatschenta ina grappa da lavur che consista ord representants dalla Societad cooperativa da consum Surrein-Rabiun, representants dalla vischnaunca e la sviluppadra regionala da rudien cun igl avegnir dallas stizuns da Rabiun e Surrein. L'analisa dalla situaziun ha denter auter cunteniu ina retscherca tier la populaziun da Surrein e Rabiun e tier ils secundindigens. La fasa dall'analisa ei ussa terminada.

Mardis, ils 31 d'october 2023 informescha la grappa da lavur davart ils resultats dall'analisa ed igl avegnir dallas stizuns.

L'orientaziun ha liug ils 31 d'october 2023 allas 20.00 uras en casa da scola da Rabiun.

La Societad cooperativa da consum Surrein-Rabiun e la vischnaunca envidan vischinas e vischins sco era secundindigens cordialmein a questa sera d'orientaziun.

Sumvitg, 27-10-2023

*Societad cooperativa da consum Surrein-Rabiun  
Vischnaunca Sumvitg*

## **Rumida da neiv 2023/2024**

La vischnaunca exequescha era uonn puspei sin incarica la rumida da neiv per privats. L'indemnisaziun per quella lavur corrispunda allas cundiziuns che l'industria privata pretenda. Plinavon sto quella dismessa da neiv star anavos en prioritad alla rumida dil implonts publics d'avertura. Sche pusseivel duei l'incarica vegnir surdada alla vischnaunca mo leu nua che quella procura era la dismessa dallas vias cunfinontas. Vischinas e vischins che vulan schar exequir la vischnaunca la rumida da neiv da lur vias e parcadis privats durant gl'unviern proxim ein supplicai d'annunziar quei a scret ni per telefon entochen ils **31 d'october 2023** al cau dil menaschi stradal (tel. 079 483 52 97).

Sumvitg, 27-10-2023

*Departament traffic*

## Preparaziun sin temps d'unviern

Tenor art. 69 dalla lescha da baghegiar ei la vischnaunca autorisada da schar dismetter la neiv dils implonts publics d'avertura sil schischom privat cunfinont cun prender il duiu risguard sin baghetgs, implonts e cultiras. Per liung dallas vias publicas e privatas ein seivs demontablas ni implonts da tal gener d'allontanar. Ultra da quei ston caglias e roma vegnir tagliadas anavos aschia che la rumida da neiv vegn buca impedida.

Quellas lavurs da preparaziun sil temps d'unviern ston vegnir exequidas entochen alla fin d'october 2023. En cass d'omissiun refusescha la vischnaunca suenter la sesiun d'unviern scadins donns occuri ord la rumida da neiv.

Sumvitg, 27-10-2023

*Departament traffic*

## Curdem da gronda dimensiun

La vischnaunca organischescha ina rimnada da rufid bloccont sco suonda:

### **Venderdis, ils 27 d'october 2023 dallas 08.00 - 18.00 uras**

**Ei vegn rimnau il rufid per l'entira vischnaunca sin la piazza Igniu** (spel baghetg economic)

Ils curdems ein da deponer els containers ni navettas tschentai sil plaz. Per tener-casa vegn priu encunter **max. 2 m<sup>3</sup>** rumians. Quantitads pli grondas ein da transportar directamein e sin cuost dil caschunader ella deponia regiunala a Rueun. Rumians vegnan buca pri encunter. Tals rumians ein da plazzar als plazz da rimnada usitai els vitgs e che vegnan rimnai entras la Regiun Surselva mintgamai la mesjamna.

Ei vegn acceptau

- maschinas pintgas e mopeds senza ieli e benzin, da tuttas sorts fier, maschinas electronicas senza ieli, mobiliar movibel buc culau giu, requisits dil temps pigns
- per pneus senza gavegl vegn incassau ina taxa da frs. 5.--, cun gavegl frs. 10.--
- per pneus da maschinas agricolas pintgas vegn incassau frs. 20.-- e per pneus da tractur frs. 50.--.
- Calzers da skis san vegnir dai giu en favur dalla ARGO Tavau per frs. 5.--

**Buca** acceptau vegnan

- tuttas maschinas agricolas, lenna da brisch, veglia e da baghetg, sacs da pupi ni plastic, materials da pachetar, requisits dil temps liber gronds, blachas da ballas da silo, curdems da baghetg, curdem verd da curtin (deponia verda), cartun e pupi vegn rimnau entras la scola

Ils suandonts rumians vegnan rimnai cun ils rumians jamnils:

- sacs tochen 50 kg; 1 marca da frs. 2.50, rumians pigns tochen 100 cm liung / 60 cm lad / 60 cm ault e pli levs che 12 kg; 2 marcas da frs. 2.50 e rumians pigns tochen 100 cm liung / 60 cm lad / 60 cm ault entochen ina peisa da 30 kg; 3 marcas da frs. 2.50.

Nus appelein alla responsabladad da vischinas e vischins e supplichein da setener vid quellas directivas en favur digl ambient. Medemamein fagein nus attents da buca deponer rumians sin deponias illegalas (selvadias). Talas deponias cunterfan alla legislaziun per la dismessa da rumians e vegnan annunziadas als organs responsabels e puni.

Per ulteriuras informaziuns stat la geraua responsabla bugen a Vossa disposiziun.

Sumvitg, 27-10-2023

*Departament ambient*

### **Donaziun fundaziun Greina**

Sebasond sin art. 5 dil reglament pertuccont diever dalla donaziun fundaziun svizra per la tgira dalla cuntrada ston damondas per ina contribuziun vid in project vegnir inoltradas alla cumissiun Greina entochen ils **30 da november 2023** digl onn precedent cul formular corrispudent tier l'administraziun communal. Nus supplichein per notizia da quest avis.

Sumvitg, 27-10-2023

*Departament traffic*

### **Meisa da miezdi a Cumpadials**

Nadja Scolieri e Team organisescha ensemen culla Pro Senectute Surselva la meisa da miezdi (Mittagstisch) inagada per meins a Cumpadials. Igl intent dalla meisa da gentar ei da promover la cuminonza denter persunas ella vegliadetgna dalla pensiun ella vischnaunca da Sumvitg e contuorn.

Liug: Ustria dalla Staziun, 7176 Cumpadials

Datum: venderdis, ils 10 da november 2023, 12.00.

Annunzias ein da far entochen mesjamna ils 8 da november tier Ustria dalla Staziun, Telefon 081 943 19 22

### **Finiastras d'advent 2023 a Rabius**

Preziadas convischinas e prezias convischins. Ei fagess grond plascher sche bia bialas decoraziuns ornassen era uonn puspei nies vitg. Has ti forsa era plascher dad arver ina finiastra d'advent? Tuttas convischinas e convischins da Rabius, menaschis da fatschenta, sco era las scolas astgan separticipar.

Annunzias pren Renata Casanova bugen encunter tochen ils 11 da november 2023 sut la numera 078 635 30 37.

*La suprastonza*